

皇清經解

金

清

經

解

禮經釋例卷九目錄

祭例上

凡士祭尸九飯大夫祭尸十一飯

凡尸飯舉脊爲食之始舉肩爲食之終

凡尸所食皆加于所俎若虞祭則以筐代之

凡所俎皆載心舌尸未入先設于阼階西

凡尸所食之肺脊必先奠于菹豆尸卒食佐食始受之加于所

俎

凡尸未食前之祭謂之墮祭又謂之按祭

凡主人受尸嘏按祭尸酢主婦亦按祭

凡尸未入室之前設饌于奧謂之陰厭

皇清系角 卷之二十一  
凡尸既出室之後改饌于西北隅謂之陽厭

凡卒食醑尸皆主人初獻主婦亞獻賓長三獻

凡獻尸畢皆獻祝及佐食

凡主人初獻從俎皆以肝主婦亞獻賓長三獻從俎皆以燔主

人主婦獻祝亦如之

凡養士禮二人大夫禮四人養畢亦有獻酢

凡祭尸不就洗別設槃匭待之

共十四例

凡士祭尸大贈大夫祭尸十一贈

祭尸

祭尸

皇清經解卷七百九十二 學海堂

禮經釋例

欽凌進士 廷堪 著

祭例上

凡士祭尸九飯大夫祭尸十一飯

廷堪案特牲饋食禮尸入接祭

即墮祭

畢乃食食舉

少牢注舉牢肺正脊

也先食昭之以為道也

主人羞所俎于腊北尸三飯告飽祝侑主人拜

注三飯告飽禮一成也侑勸也或曰又勸之使又食此始三

飯也經又云佐食舉幹

注幹長脅也

尸受振祭躋之佐食受加于

所俎舉獸幹魚一亦如之始實舉于菹豆

卒食佐食乃加舉于所俎

佐食

羞庶羞四豆設于左南上有醢尸又三飯告飽祝侑之如初

注禮再成也此又三飯也合前為六飯經又云舉骼及獸魚

如初尸又三飯告飽祝侑之如初注禮三成此終三飯也合

前為九飯經又云舉肩及獸魚如初注不復飯者三三者士

之禮大成也舉先正脊後肩自上而卻下緝而前終始之次

也士虞禮尸入設庶羞後尸飯燔餘于筐三飯佐食舉幹尸

受振祭躋之實于筐注飯間啗肉安食氣此始三飯也經又

云又三飯舉脰與脰同祭如初佐食舉魚腊實于筐此又三飯

也經又云又三飯舉肩祭如初注後舉肩者貴要成也此終

三飯也亦共九飯特牲士虞皆士禮是士祭尸九飯也少牢

饋食禮尸入墮祭畢食舉三飯注食以黍此始三飯也經又

云上佐食舉尸牢幹尸受振祭躋之佐食受加于所上佐食

羞載兩瓦豆有醢亦用瓦豆設于薦豆之北尸又食食即飯也大名

曰食小數日飯此又一飯也合前為四飯經又云食上佐食所裁羞之裁

佐食舉尸一魚尸受振祭躋之佐食受加于所橫之又食此

又一飯也合前為五飯經又云上佐食舉尸腊肩尸受振祭

躋之上佐食受加于所注別舉魚腊崇威儀又食此又一飯也合前為

六飯經又云上佐食舉尸牢幣如初又食此又一飯也合前

為七飯經又云尸告飽祝西面于主人之南獨侑不拜曰皇

尸未實侑尸又食此又一飯也合前為八飯經又云上佐食

舉尸牢肩尸受振祭躋三佐食受加于所尸不飯告飽祝西

面于主人之南主人不言拜侑尸又三飯注為祝一飯為主

人三飯尊卑之差此終三飯也合前為十一飯少牢大夫禮

是大夫祭尸十一飯也至于有司徹不賓與賓同尸之禮八飯

之後乃盛所俎卒盛乃舉牢肩十一飯之前乃撫于魚腊俎

俎釋三个其餘皆取之實于一俎以出祝主人之魚腊取于

是釋三个以備陽厭其餘其儀雖與賓尸小異而其為十一

飯則無異也又士祭尸三飯即侑大夫祭尸七飯始侑士祭

祝主人共侑大夫祭祝主人更侑皆隆殺之義也

凡尸飯舉脊為食之始舉肩為食之終

廷堪案特牲饋食禮尸始三飯前乃食食舉李氏如圭曰食

舉即肺脊也食必先舉之故曰舉少牢注亦云舉牢肺正脊也疏以乃食謂食肺食舉

謂正脊分屬之恐非是初舉肺脊也又三飯前舉幹注長脅也又舉獸

幹獸幹腊脅也及魚舉後羞庶羞是再舉脅及腊魚也終三飯前

舉骼及獸腊骼也魚如初是三舉骼及腊魚也終三飯後舉肩



及獸也 腊肩 魚如初是四舉酪及腊魚也士虞禮尸始三飯前

舉肺脊舉後卽羞庶羞是初舉脊也又三飯前舉幹是再舉

脅也終三飯前舉酪與酪同 是三舉酪也終三飯後舉肩是四

舉肩也尸不受魚腊者虞祭不備味也皆始舉豕脊終舉豕

肩也少牢饋食禮尸始三飯前食舉注舉牢謂羊豕 肺正脊也

是初舉脊也四飯前舉牢幹舉後羞庶羞是再舉脅也五飯

前舉魚是三舉魚也六飯前舉腊肩是四舉腊也七飯前舉

牢酪是五舉酪也八飯前不舉終三飯前舉牢肩是六舉肩

也少牢別舉魚腊者大夫崇威儀也亦始舉羊豕之脊終舉

羊豕之肩也士祭九飯故四舉大夫祭十一飯故六舉少牢

雖六舉然牢體亦祇四舉脊也脅也酪也肩也少牢上佐食

舉尸牢肩注四舉牢體始于正春終於肩尊於終始疏云正春及肩此體之貴者故先舉正春為食之始後舉肩為食之終也注疏雖據少牢言之其實特牲士虞亦始春次脅次骼終肩與大夫例同也又特牲少牢皆再舉後始羞庶羞士虞初舉後即羞庶羞此虞祭與吉祭異者也

凡尸所食皆加于所俎若虞祭則以篚代之

廷堪案特牲饋食禮尸食舉舉肺脊也主人羞所俎于階北尸三

飯後佐食舉幹尸受振祭嚼之佐食受加于所俎舉獸幹魚

一亦如之又三飯後舉骼及獸魚如初終三飯後舉肩及獸

魚如初卒食佐食盛所俎俎釋三个注俎釋三个為改饌於

西北隅遺之牲腊魚各留三个盛畢舉肺脊加于所俎此肺脊先干俎為陽厭之用

在菹豆 主婦亞獻兄弟長以燔從尸受振祭濟之反之羞燔

詳見下 者受加于所賓三獻燔從如初此燔亦加于所前主人初獻

賓長以肝從尸加于菹豆不加于所者將以嘏主人故也祝

告利成尸饗後佐食徹尸俎俎出于廟門此所謂尸俎即所

盛所俎也所俎出于廟門庶羞則徹于西序下室中神俎唯

釋三个在耳餽者餽此俎改饌陽厭者亦此俎其餘皆盛于

所俎以歸尸也少牢饋食禮尸入上佐食爾敦後主人羞所

俎升自阼階置于膚北尸三飯後上佐食舉尸牢幹尸受振

祭濟之佐食受加于所尸又食上佐食舉尸一魚尸受振祭

濟之佐食受加于所橫之注魚橫之者異於肉又食上佐食舉尸腊肩

尸受振祭濟之上佐食受加于所又食上佐食舉尸牢骼如

初尸入飯後上佐食舉尸牢肩尸受振祭臠之佐食受加于

所尸十一飯後上佐食受尸牢肺正脊加于所

此肺脊亦先在菹豆祭

畢祝主人入于室復位祝命佐食徹所俎降設于堂下阼階

南注徹所俎不出門將儻尸也有司徹不儻尸之禮尸八飯

後乃盛俎臠臂肫臠脊橫脊短脅代脅皆牢魚七腊辯無髀

注盛者盛于所俎也卒盛乃舉牢肩尸受振祭臠之佐食受

加于所尸十一飯後佐食受牢舉如儻

舉肺脊也亦先在菹豆

張氏爾

岐曰盛於所俎將以歸尸特牲尸食訖乃盛賓尸則不盛全

以歸尸故也

賓尸不陽厭故不釋三个

是尸所食皆加于所俎而特牲及

不儻尸之禮除神俎所釋其餘亦盛于所俎也士虞禮尸坐

從者錯篚于尸左席上尸飯播餘于篚三飯佐食舉幹尸受

振祭嚼之實于筐又三飯舉胙祭如初佐食舉魚腊實于筐

注尸不受魚腊以喪不備味

又三飯舉肩祭如初舉魚腊俎俎釋三个尸

卒食佐食受肺脊

亦先在菹豆

實于筐注筐猶吉祭之有所俎是

虞祭以筐代所俎也陳氏祥道曰士虞禮不以所俎而以筐

尚質故也竊謂所俎載心舌筐不載心舌所俎設于俎北筐

設于席上所俎主人親設筐則從者錯之其制亦小異

又案祭禮所以用所俎者不獨尸所食之魚肉不可反於俎

故加于所俎蓋亦因神俎須釋三个留為羹

與餒同

及陽厭之

用故其餘別用所俎盛之以歸于尸非如賓客之禮盡卷其

俎而歸之不釋故不別用俎也少牢賓尸雖不陽厭而亦餒

故尸所食亦加于所俎俟餒畢然後設所俎及尸俎而厭之

於堂也至于不賓尸之禮則亦俎釋三個以爲養及陽厭之用與特牲禮同也

又案有司徹不賓尸之禮盛所俎畢此時神俎尙有牢體六魚七腊體半牢體六者羊俎豕俎各釋三個也魚七腊半則不止三個故下文又云佐食取一俎乃摭魚腊俎俎釋三個其餘皆取之實于一俎以出注魚摭四枚腊摭五枚其所釋者腊則短脅正脅代脅魚三枚而已又云祝主人之魚腊取于是則是於所俎之外又別取一虛俎取魚腊而盛之以爲祝主人之俎唯釋三個於神俎與牢體同備陽厭之用此大夫之禮異於特牲者也

凡所俎皆載心舌尸未入先設于阼階西

廷堪案特牲饋食訖所俎心舌皆去本末午割之實于牲鼎

載心立舌縮俎注午割從橫割之亦勿沒據少牢而言立縮順其

牲心舌知食味者欲尸之饗此祭是以進之少牢饋食禮佐

食上利升牢心舌載于所俎心皆安下切上午割勿沒其載

于所俎末在上舌皆切本末亦午割勿沒其載于所橫之皆

如初為之于爨也注牢羊豕也安平也平割其下於載便也

凡割本末食必正也午割使可絕勿沒為其分散也不絕中

謂之勿沒蓋恐其分散所之為言敬也所以敬尸也周禮祭尙肺事尸

尙心舌心舌知滋味是所俎皆載心舌也特牲饋食禮佐食

升所俎稟之設于阼階西注所謂心舌之俎也郊特牲曰所

之為言敬也言主人所以敬尸之俎少牢饋食禮佐食遷所

俎于阼階西西縮乃反是所俎皆先設于阼階西也蓋所俎雖爲盛牲魚腊之器並非虛俎皆先載心舌於其上所以然者心舌知滋味故尸所食必加之如神之饗此味也先設于阼階西者事未至也尸旣入主人乃親設之于俎北皆所以敬尸也陳氏祥道曰士之所俎立舌而不立心大夫之所俎立心而不立舌士之載縮俎則於俎爲縮於人爲橫大夫之載橫之則於俎爲橫於人爲縮特牲九飯乃盛所俎下大夫八飯卽盛所俎則士之所俎盛於飯後下大夫之所俎盛于飯間矣陳氏禮書於所俎之義與例皆無所發明惟論士大夫異同少爲詳析然特牲所俎但云立舌至于大夫立心之說於經亦無明文可證也



又案少牢饋食禮所俎舌皆切本末注凡割本末食必正也

牲體謂之割蔽膾謂之切疏云鄉黨孔子云割不正不食故

割本末為食正也考論語鄉黨割不正不食邢昺疏謂析解

牲體脊脅臂臠之屬禮有正數若解剖不得其正則不食也

其說甚明即如鄉飲酒賓俎脊脅肩肺主人俎脊脅臂肺肩

尊臂卑是正數也若賓俎用臂主人俎用肩則尊卑倒置即

為割不正矣少牢所俎所云切本末者是切非割且祭祀之

禮非飲食之禮賈氏引鄉黨為證蓋失之至于論語集注謂

割不正為割肉不方正不知引少牢疏而引漢陸績母事則

更非經義矣

凡尸所食之肺脊必先奠于菹豆尸卒食佐食始受之加于所

凌進士禮經釋例 七